

الساعة صفر
شيماء القصبي

الساعة صفر / شعر

شيماء القصبي

الطبعة الأولى ، ٢٠٠٩



دار اكتب للنشر والتوزيع

القاهرة ، امش المعهد الديني ، المرج

هاتف : ٠٢٢٤٤٠٥٠٤٧

موبايل : ٠١٢٩٢٥١٥٩٢ - ٠١٨٢٣٦٣٠٣٥

E - mail : dar_oktoob@gawab.com

المدير العلم :

يحيى هاشم

تصميم الغلاف :

خالد السعيد

رقم الإيداع : ٢٠٠٩/١٣٠١٤

I.S.B.N: ٩٧٨٠ ٩٧٧-٦٢٩٧-٠٠٩-٤

جميع الحقوق محفوظة ©

الساعة صفر

شعر

شيماء القصبي

الطبعة الأولى

٢٠٠٩



دار اكتب للنشر والتوزيع

إهداء

إلى الحكايات التي ..
طالما اشتهدت المساء
إلى البنفسج في المرايا تحت أنفاس الشتاء
إلى الإجابات البيضاء
على ترايل اللقاء

نَمَّ..

إليهم جميعاً

.....

شيماء القصبى

أنا وروحي..
سيرين بيلفوا ع الوشين
ولو تعبوا ف وسط اللّف يتعاتبوا
"عقاب مجنون"
يجيبوا السكّة مِ الأول
فيتحوّل..
مسار اللّفة من تاني
ومرة ف مرة يتغيّر
فمرة.. تدوس خطاوي النور على الضلّة
فتتكسر... ضلوع الليل
وبصحي وميل على قلبي
وبهمس له
فيرمي لي الرضا "بالكوم"
على عمري
يكون أمري..

كما أمره

ويعند عقلي "يتمنع"

يعوز اللفّة بالمعكوس

يجيب السكّة من الأول

فيتحوّل..

مسار اللفّة من ثاني

وبنساني

والاقي القلب من جوه

يبصّر بؤرب

وبصّاته تقول إنه أكيد "مفروس"

وتفضل روعي محتاجة

ونظرة عينها بستارة

تداري الويل

تقوم تصعب على قلبي

يقوم وبهمة من ثاني

و"يتنحّح"

وبيزعق في قلب العقل يدي دروس

دروس بتتيم "العقلين"

تشم الروح في أنفاسها

وانا ليها

وانا ناسها

أنا وروحي

سيرين بيلفوا ع الوشين

ولو أعرف

أوقف سيري أو سيرها

نعيش....عاشين"

كيان الصورة بيلعب خيوط الروح
ساعات ينعس وحاضنها
ساعات يتعرى من نفسه... يخاصمها!
ويفرد له
ملامحه النصّ مخنوقة
عشان يمشي عليها شوية في الهوجة
ينطقها!!
ويتهجي في أنفاسها / ما ينطقها
ويفشل!! يبتدي تاني... ويتلخبط
ويتخبّط..
فيسرقها.. ويخفيها!
يكومها على ناصية ضلوعه البايطة... معوجة
ورغم أنّه اللي خباها
مهوش عارف مكانها... فين
عشان يحضنها من تاني ويدفن نفسه..
ف شقوقها

("ألبوم حياة")

أول صياح للديك.. بدر
تقسيمه المجهول.. عبر
ورسم بصوته ع المدى.. سطرين بُعاد
بينهم بلاد
يكتب تاريخ اليوم في سطر
صباح ودايق روحه.. صبر!
ويعلق الألبوم على ...
عليقة فالصو مُخلخلة
على ناصية السطر البعيد
ألبوم صور
متلممين من فوق سطوح بيت العباد
لما اتسلقى مش ساكنه حد
والجوُّ برد
على حبة الألوان (في دنيا اتعشمت يوم بالدفا)
وتخاف عليهم .. ييهتوا

ألبوم وشوش
فيه اللي فات... هوّا اللي لسه منعرفوش
وعيون.. كثير
صاها العجز عزّ الشباب
فيه اللي غاب...
موجود وعایش في التاريخ اللي انكتب..
لحظة ما شقّ النور لقا طُروف السحاب!!

حبة عتاب
متتورين تحت الجناح... أبيض بريء
ليمامة مش عارفة تطير..
ولا عارفة حتى جناحها فين
وعبير..
بيخنقها بسداجة وهيا مش راضية تموت
ولا عارفة تنفض كتّمه
وتحوم فوقه..
علشان تعيش
حبة مفيش

فوق السَّكَّك
والسَّكَّة ملضوم فيها سَكَّة
والشوارع...
لأفَّة جداً
عَ اللي جيَّ وَ عَ اللي رايح
واللِّي قاعدين ع الدَّكَّك
ومفيسش نفس
عالم وفاضي ف زحمتُه!!
بين اللي حاصل واللي مفروض يتدي
مُجبر على سَكَّة رجوع

حبة دموع
على كُف فستان الفرح...متبسمة
ومقسمة الأبيض شلل
وسواقني بتجري العسل..
تحت القصور
وبترسم الحُرَّاس طابور..
حوالين فرَس

وفتُ حضن واحدٍ من الحرس..
قبلت تموت!!

حبة كروت
مكتوب عليهم بالذهب
والدعوة خاصة
والسبب...
لو نعرفه يزيد العجب
وتنوه ندور في اللي غاب
نسمع جواب... لسؤال وحيد
سألوه حيارى... من زمان
هوا احنا فين... بين الحياة؟!

حبة حياة
متعقدين فوق الشجر
ومنقطين شهد القلوب
على خد أوراق اللمون
وعيال كتيرة "موردين"

فارشين سنين من تحتها و عاوزين كمان
قافلين ببيان.. الـ "لا".. حاضنين الجنون
ومطّبقين الكون سهر
وعنيهم الخالفة تعيش ..
فاتحة الصور..
جوّه السُّكات

حبّة آهات
نائمين بصوت
وشموع بتغرّز نفسها على نفسها
وبتنطفي
أحلام وشايلة صبرها لسيوم الحساب
والخلق هاجّة من الجحور الميتة
مثنّية ف قلب التراب
مستنيين بصّة فرّج
ترفع كثير
من ع الإيديين المرعوشين ف نهار صيام
حبّة كلام

مش مفهومين
مثلخبطين فوق الصور
وملخبطين صوت البكا
ساعة الآدان
لحظة ما يصحى الديك
وينده من جديد
ومعدّ صوته للسّما
يسمع خفايا اتفسّرت على نثره
يندر حقايق عّ البشر

فاكرني هروح....
واضيع مني؟!
وانا مش فيا هلقاني؟
وهتنفس واعيش تاني؟
فاكرني هكون...
_ ولو حتى احتواني الكون _
ونا براك؟!

(مش " بحبك ")

لسه لاصحاني فـ ما بينك
صافية جداً

عن مرآة مشوشاني
وانت محني ع الحروف بتشد جفنك م التعب...
وبترخي رمشك ع الكلام...
من غير ما اقولك خدني فيك ويا النفس...
تعبني من روحي وتنام...
يتهد خوفي جوّه قلبك

واقعد اسرح
نفسي اشوفي ...
أول الورد اما يفتح قلبه..
ويعتر ملاحي و كلمتينك
الليلا دي
وانت بتوشوش عيونك

"" ""

والضُّمُّ الحِلْمُ فـ وَدَانِي
واسهر اَتَسْمَعُ _ بِخِفَّةٍ ..
إِنْتَ كُنْتَ مُخَبِّي إِيَّاهُ
واقعد استنِّي بُهْدَاوَةَ الصُّبْحِ يَطْلُعُ
سَرَّحَ الفَجْرِ بُرْمُوشَكَ
وانتَ تَوَكَّ صَاحِي لِسَهُ
فَسَطَّ الطَّيْفُ اللَّيْلِي رَدَّتْ رُوحَهُ فِينَا
وَأَمْرَ الْأَحْلَامِ تَقِفْ تَفْرِكْ مَاضِينَا
عَ الْهُوَامِشِ مَ الشُّوَارِعِ ...
اللَّيْلِ حَاسَهُ
قَدْ إِيَّاهُ دَابَّتْ خَطَانَا جُوهَ مِنْهَا
وَاحِنَا بِنْدُورِ عَلِينَا
مَشْنِي حِسَّكَ عَ الْغَنَاوِي اللَّيْلِ ابْتَدَيْتَنَا..
وَاشْتَكَيْتَنَا..
لَمَّا كُنَّا صُغَيْرِينَ..
_ لَمَّا كُنَّا صُغَيْرِينَ فِي الْحُبِّ قَصْدِي _
لَمَّا كُنَّا...

لَسَّه مَبْعَرَفَش نَسْمَع
وانت تعرف..
إِنَّا اصحاب الحكاية و...
"لو حكينا يا حبيبي نبتدي منين الحكاية
إحنا قصة حبنا ... ليها أكثر من بداية"

فِكْرِك أَتِي مَمْكِن أَزْهَق..إِنِّي اعِيش
إِنِّي أَخْرَج مِنْ ضُلُوعِي ..بِرَّه مَتَّك
مش هينفع
من زمان...
كنت فاكرة انَّ الحياة شوية مفيش
لو نعيشها باللي رايح..
باللي راجع..
باللي يمكن مش هيرجع
بالزوايا اللي اختارتنا واختارتها..
تشوفنا منها
مش هتفرق
لَسَّه فاكِر؟

شمس أول يوم حدفنا ع الحقيقة
و هيّا طالعة تغير علينا
وفت غيرتسها .. ع اللي فينا صحنينا.. فوقنا
تفتكر بعديها أمشي ؟!
ولّا اخاف م الشمس تحرق طرف رمشي ؟!
مهما يحصل ...
مش هينفع

مش "محبك"
لو في كلمة تحس أكثر
كنت أقولك

(الواد ابن الـ " فنجان ")

في الحارة الفاتحة على المواويل

والناس قافلين على ملامحهم

نائمين صاحيين

كان واقف ساند عـ المية

لا ف على وسطه غيال الليل

وعرايس النيل

الإنسية

وحجاب يحميه من شر الشفطة المنسية و..

من عين اللون المتحوّج

في براح مسكون

مركون بالكوم

على " كان ياما كان "

وهي حصل إليه

كان واد فتان ...

بيطير طيارته الساكنة

ماهاش في الزنّ ولا الدُخَان

طيارة هَوَا

لكن ...

جامدة

وَيَرْكَبُ مِ السَّمَاءِ أَغْنِيَةً

يُبدِرها على غَنِيهِ الطَّيَّارِينَ

وَيَعُومُ ...

يَسْقِي الأَحْلَامَ

بِنُجُومٍ ...

سَاجِدِينَ

على عَالَمٍ كُلُّهُ بِلَوْنٍ وَاحِدٍ

كَانَ وَادٍ مُتَفَصِّلٌ عَلَى نَفْسِهِ

وَمُفِيشٌ فِي الكَوْنِ وَاحِدٍ ... شَبِيهِه

كَانَ يَتَّخِذُ ...

لَمَّا يُشَوِّفُ صُورَتَهُ عَلَى دِرَاعِهِ وَ ...

بَعْدِينَ يَضْحَكُ

يَسْكُتُ فَجْأَةً

وَيَخَافُ عَلَى رُوحِهِ أَحْسَنَ قَهْلِكَ

من كُثر الفرح /

الحلم /

الحب /

الغيرة /

الشوق

ومفیش ألوان ... غير البني

كان واد إنسان

مستني اللحن عشان ينزل على خيط بنور

وكلام مسحور..

يكشف مستور ...

المتعلق على حيلة إزاز

لكن إعجاز

كلها تخبط ...

على باب الجاي

والجاي شخايط

والرايح ... صوت من غير صورة و...

مش واضح مين

بيكلم مين

كان واد عاشق في بلاد الطين ...
والكارثة مالوش غير قلب ... وحيد
كان واد في الإحساس مش عادي
وعيون البنات الحيرانة
على ظهر الفنجان الفاضي
وسط الفناجين المليانة
بتنادي عليه ..
ويُردّ إزاي
ماهو واد نساي
بيُضَيِّع اسمه وتفاصيله فُ سوق المتاهات
والأزمة مفيش وقت يُدَوّر
قبل اَمّا يُفَكِّرِ يُدَوّر ...
على كورة بُسَاط
السّما تتعاد ...
من نهايتها
وتشيل م الأرض حاجات وحاجات
وتعوّر بالشّتنا صوت ليّله
والليل رَغَاي

والعنا مجروح/ على حشّه ساعات
وساعات تانيين
متحتي سُكات
و قانون البرد على الشارين طعم الغمقان
فوق نرف النار فارض نفسُه
والكون كله ... في زحام غليان
لساه بيدور على نفسه فـ ... حضن الفنجان
واهو بدري مقفل شبايكه
على واد مخنوق
من حرّ وبردٍ و ...
ليل مدلوق ...
على فجر جبان
تعبان ...
جداً
من كُتر الزنّ على ودائه
والشدّ تُتحت
من كُتر الوقفة على الفاضي
وان كان مليون

فبِرجعِ سِنْدِ عَمَّ المِية
ويصُّ لُفوق
ويطير طيارته "الساکتة" الـ ...
(ماهاش في الزن ولا الدخان)

يا محتارة في تحويدتك
لفين رايحة ومنين ترجع
وغلطانة في تقسيمتك ...
وبتغشي
بتاخدي الحق بالباطل
وناده بصوتك المايح على الطالع
عشان ينزل
وبتغشي ف ربيع عمره
عشان يعرج لحد الباب
ويخرج منها لو ينفع

(سكة عاجز)

كتاب مقفول
ومكتوب فيه
كلام مدهول
بخط مريض
وروح مشنوقة بالتنقيط
ومرمية
على سطور
حاولت اختارها سطرين
واكفنها
وبينهم اصلسي ...
وادفنها
لكن كل الفراغ مكتوم
زحام ارواح ...
ومقتولة

صدى غروها على القصة...

بيحلف إنه ما يعرف ..

مين القاتل

وبيصرخ بعلو الصوت

"ذ إكرام القتل دفنه"

ودقات القلوب

"الحياة" ..

بتعدي ومش حاسة

ولا سائلة...

ومش مسئولة..

عن صرخة أمل مخنوق

مصيرها الموت

في يوم معلوم

.....

كتاب موشوم بلون الذلّ..

نائم فوق حكاياته

عبايته الكحلي

ما بتتهلّ

ولا بتهمد ...

جناحاتها

فتحوّط على عودّه

وتخضن نورّه

بالعافية..

ما يستحيل

....

كتاب أنحل

من الشعرة

وأضعف من هوى الشعرا

سحابه المظفي يتعرّى من المطرة

عشان يلبس براح الهمّ

وهّمّه يجوز يكون أكبر

ويمكن يجي من دورّه

تشيل كفيّنه في الورقة ...

ماهيش عارفة

ماهيش قادرة ...

تشيل حمّله على عجزه

ولا تقدر تبدّل نخوة في غروقه

خلاص ...

ماتت

ولا يقدر يعيش في زحامها

لو ثانية

يحاول رمشه لو يقلب

على سطرين بلون تاني ...

ماهوش لوئه

ماهوش عارف ...

يُفكّ الجلدَة مِـ الجلدَة

مين وازاي ؟!

وتفضل بصّته تايهة على روحه

طريق هادي و ... طريق مزحوم!

بعد اما كنتي بتحلمي بلحظة لقاءه
بوستى العذاب حزن التعب
كان السبب
صبرك في قلب الشوق وواصل منتهاه
والصبر في زمانك غلي
وادي لحظتك
منك تقرب.. فافرحي
وارمي حمولك ع الإله...
واتوكلي

°

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

(قبل أول صوت بُكا)

فوق كلّ حَبَّاتِ الهوا
التي واقفة خائفة
على كلّ جدران المكان
كتم التاريخ صوت خطواته
واثعلقت على رعشته ..
صوت قلبها.. / الطالع بشوق
رغم الوجع!!
والدقة تخرج منها
تطلع لفوق ...
وكأنها عارفة الطريق
زي الغريق طالبة النجاة
مع وعد منه بالحياة
تنزل "هوا"
ومعها رحمة بدون حدود
حاضنة الوجود

والقلب يملا الكون حاجات

ويأ الآهات

يصرخ كمان

ويضيق على الدنيا أوي

والصَّير يخرج مـ البيان

والصرخة بعد الصرخة تكبر

ترجع ... مفيش

حبة هوا

فتبدل الآهة بسكات

وبتيرة تاهت منها

علشان تعيش

بتقول يارب

يأرب هو كسرتي

والدم شارد تحتها

عالم عليه إجابة سؤالها فضعفها

وتحس إن الروح ليره بتسحب

تشهق أوي

--

والشهقة شائلة وجع كبير
وبيتعقد آخر الوجع
طرف المصير
مكتوب بصوته بنيكي ويسلم الألم
وينعلي صورة حب صورها الإله
يفضل بكاه
غير أي صوت بكاء في الحياة
ترتاح أوي
وتشوفها جوّه غنيه براح
طيب أوي
يسيل حنان على بصّته
وف غمضته يسقيه قدر
ودراعها يبطوق مداه
فتعيشها فيه
فرحانة بيه ...
فرحة ... يجدد
ذ اللي عشان تسمع بكاه. اتوجعت

(بتحس ساعات؟!)

بتحس ساعات ... ؟!

بتحس بـ لمة شوق جواك

عاوزاك تخرج منك ...

تلقاك

تخضن نفسك في نجوم الفجر المتحوط ...

برموش البرد

وتسيل ع الورد ...

كلام وسكات

بتحس ساعات؟!!

بتحس ساعات الكون طائر في براح قلبك

والناس في عروقك بتقولك

روحك دافية

تبلور فيهم دقاتك

على سهوة تعيش مش بالعافية

بتحس ساعات ...
بتحس ساعات انك بتبات
على صفحة هوا .. وبتقلب
وملاك الشعر بيتسحب ...
على طرف جناحه ...
ينام في إديك
ووشوش الليل تتوضي بنور من أحلامك
وتصلي فوقيك
على فرحة تقوم
تفطر زقزقة وعبير أمهات
بتحس ساعات ...
بتحس ساعات انك حاسس ..
حاسس ويجد ؟!
دَ هيحصل بس ...
لما انت تحب
وتحبك جداً... وتحبك
ويحبك حد

(حلم جديد)

مِسْهُمَ لِيهِ
غريب ولا... فاقد أهلك ؟!
وليه ف غيوناك الـ لامعة
كلام محبوس
ولمعتها بتبدر دمة هلكانة ومش عارفة هتزل فين ؟!
مالك ساكت وراسني بلون مكسور ؟!
ونادهلي بعلو سكوتك الطالع على حيرتي
ومستيني اشوف صورتي ؟!
قالولي حلمي لو تايه .. ولو هربان
ولو مخطوف بإيد متعمدة جرحي
أكيد هلقاه في قلب المتحف المهجور
ونخطولي هنا العنوان على كفي
عشان منساش ...
وميتوهش الطريق متي

... ..

مكان مقهور

وأحلام باهتة عطشانة للون النور

بتسطح على ظهره...

وبين اللهفة والحيرة

مع التفتيش في أحلام ناس

منيش عارف...

مصريهم إيه

ووسط الكركبة الضلمة

أنا المفروض على وجودي

لكن إنتَ

إيه الـ جابر ك على الزحمة ؟

ومين جابك هنا ولمين ؟

... ..

أنا المكتوب عليا أغوص في خطواتك

واعلم كل دقائقك

ولو ركزت في ملامحك

هتلقى عنيك شبه عيني

وصوت أنفاسك الحيرانة في ضلوعك
بيسقيني...الوجع ألوان
أنا الراجع من الغربة
وموتني هناك كانت صعبة وجيَّ عشان..
اشوف حلمي
أنا البارك بقالي سنين... على همي
بفتش عن ضلوع الحلم
أعد لها
وأحبر كسرتة فيا
لكن ملقيتش غير صحرا /
دموع أحلام
بتتداري ورا إيدي
ومش سامع لحلمي وجود
ولا شايف لنوره ضيَّ
ومش عارف....
علامة خطوته النائية أجيها منين
.....
منين نرجع/ نجيب من تاني حلم جديد ؟

ومين مصلحته يكسرنا ؟
ومين في الكسرة يسندنا؟
دي كل الناس في وسط الرحمة تنسخنا
بنفس الصورة / نفس الصوت
سكوت حيران يوَدِّي لَموت
ولو مشربش من روحنا ماهوش هيزيد
... ..

في لون مألوف
ورثة وُداني تعرفها ولو كانت فبِ وسط ألوف
قوم افرد عينك النعسانة واقرا حروف ...
مانيش عارف أترجمها
وشيل إيدك من الطين اللي مسقي بُمية كدابة
قوم اسمع ... شوف
دي صفحة نور ومنصوبة على الدنيا
وناس ضحككتها سابقاها
وراسمة طريقها قدامها
وأحلامها...
قصاد عينها

مَبْثُوثٌش وطالعة تُطوف...
لحدّ سماهم العالية
ماfish في الكون مكان ضلمة..
غير الحتّة اللي شايلانا
وتايهين لسه جواها.. نبعتز فيها باقينا
ندوّر ع اللي ضيّعناه ودوّخنا
ياصاحبي افهم بقى بدري
أكيد حلمي وحلمك مات
وكرر البحث والتفتيش في أرض مfish
دَ اسمُه جنون
تعالى تُكسّر الحيرة ونخرج منها قلب الكون
تعالى تُكون
براح النور هناك مفروود وبميدلنا في كُفوفه
خطوط الكفّ
راسمانا وبِتّنادي فُ أسامينا
وحالفة علينا لَنشوفه
بِتبي فُ قوة مستنيّة تدخُلنا
تدخُلنا حياة ثانية
هتطرح حلم يوم العيد

يا هدموم تفصيل تحت المكنة

مالكيش عروة

ولا حتى زرار

و اللبس ده زوق

فنَ و أسرار

تمثالنا اهو واقف بيغني..

في الفاترينة

يستعرض جسمه المتفنم

تمثال فنان..


فنان جدا

واهو جيّ عشان

يلبس ضحكة ...

مالية ملامحه

آل يعني إختار "



بروفا

أما غيبة ...
مخك على جيب
زي الكرسي فـ ركن الأوضة
أنا مش حاساني فـ تفصيلك
ارفعي م الصدر كمان حبة
واوَصلي بالوسط خزام حساس
عمري مهوش ماشي على الموضة
متلبّسينيش على تفاصيلك
تُحبكي نَفسي ...
جوه الفستان
أنا مش "مانيكان"
أنا لحم و دم اقرى تشويك
نفسي البس مـ النوع "الفاخر"
و "موديل" يتيم ...
بس يكون شيك
"باترونك" معوج ع الآخر

وأديكي بترعش ع الإبرة
والغرزة ...
مايلة على الغرزة
لاهي راضية تقوم ولا تتأخر
عاملين زحمة
على تقسيمة جسمي الهلكان
وانا احب الواسع والفضفاض
والبس ساتر
وانتي معرّية طروف النبض من الآخر
كان نفسه يعيش جوّه هُدومه
وانا نفسي أعيش
ظبطي إحساسك من تاني
أو متحسّيش
أنا هرجع أدور على "حِثّة" ...
لايقة عليا
واتصوّر بيها على الكورنيش
وانا بتمشي ...
وبغتي جديد...
واستعرض روحي من الأول
هستعرض روحي من الأول

”حلم عزيزة“

تفل الشاي للمرة الكام يَنْسَزَ مرار ؟
ومراره السُخْنِ فَ عَزَّ الضُّهْرُ يَمُوعَ "جيل"
والكنْكَ تَلُوقَ على الفونيات
وَتُبُخِ الصدى جوّه الفرافيت

—
فرافيت الشاي

—
كُتِرَ الغليان هَلَكِ الأبدان ومفيش إحساس
وَفِ حَنَكِ الجوع اللقمة الخاف
مهروسة ياناس بيواقي الجاز
والمِية عَكَار من قلب النيل
والقلب اهو خاف من بكرة الجاي
حاسس بسواد
وسواد الطين قطع الأنفاس

من كُثر الدوس
وهنعمل إيه ؟

سوّدني الدنيا ف كلمة و ردّ
و كمان بتغالطي الشاي في العدّ
"كُثر الغليان هلك الأبدان ومفيش إحساس"
و ف حنك الجوع اللقمة الخاف
مهروسة كمان ببواقي الجاز؟!
بوريه متك يا عزيزة بوريه
طب سُكي على الشاي يلا أوام
و كمان سُكي لي على الأحلام
د الحلم بعيد
و بُعاده مرار
"ومراره السخن ف عزّ الضهر يَمَوّع جيل"
ونجوم الليل يا عزيزة اقربلك م التفكير
في بواكي الشاي

أو تفل جديد
أو حبة سكر م التموين
أو عيش تفصيل
وعيون بوتاجاز
دي الحالة عدم
والذمة حديد
أعملك إيه ؟
اهديني لحلّ يحلّي المرّ
يشيل الصدى من قلب الجوف
شكلك ملهوف
على شفقة حلم
ونا زيك... آآه
بس أعمل إيه؟

(في لحظة صدق)

ما بين بحرين
ومكسورة على حُدودهم ...
مراكبهم
يثور الموج
ويتقلب
ويهد همهُ ع الشطين
يزول السم ويغادر حدود الروح
وتعلّى الآه ...
عشان تكبر وتتقوى
فتطلع تمشي ع الكتفين
وتتمختر
وتستعلّى
عشان تقعد وتتكبر ...
على خوفي
واقول الله
وبين حرفين

بروح وارجع
ألون ضعفي وكسوفي
بلون الصدق
واقول " يارب "

ويترل دمعي يتوجع ...
على قلبي عشان ارتاح
واقول له سماح
وندمانة على غلطتي
ويفضل دمعي يتوجع
ومن تاني و ما بين حرفين

بروح وارجع
أقول " يارب "

يدق القلب
فبسنده اليراح كفي
وبرفع راسي بالقوة
وابصر لـ
تحت
ييجي من المدى

رُدُّه

بِإِنْ سَوَّالِي مَا

رُدُّه

وَاشَوْفْ أَسْرَارِ

غَزَلَهَا النُّورُ عَلَى أَرْضِهِ

وَبَابٌ مَقْفُولٌ بِيَتَفَتَّحْ

أَقُومُ أَفْرَحْ

وَاحْسُ إِنِّي قَوِيَّةٌ بِضَعْفِ

فِي لَحْظَةِ صَدَقْ

وَاحْسَ حَنَائِهِ مَالِيْنِي

مَغْطِيْنِي

يَقُومُ الدَّمْعُ يَتَكَلَّمُ

وَمَنْ تَأْتِي يَقُولُ " يَا رَبِّ "

وَادْوَرْ بِغَيُونِي وَأَسَلِّمْ

عَلَى الْجَنَّبِيْنِ

وَاطْلُعْ لِلْسَّمَاءِ كُفُوفِي

وَاصَاحِبِهِمْ بِصَوْتِ عَالِي...

وَاقْرَبْهُمْ

واقول " يارب " قوَّيني

في لحظة ضعف

في لحظة صدق

ما بين التّوهة والفوقة

ياصاحبي اهد
أنا هَصْحَى وَهَتَمَسَى ...
على الخنقة ؟!
تعالى اشرب كاسين توهة
وما تبكي ...
وزيح وانسى
في صحة لون عيون لَيْلَى
زَرَأَقْهَا قَصِيدَة وَ رَوَايَة ...
معانيها ...
بِترسمنا بياض مفروش ...
على رُوحنا
فَنَصْبِح...
مُنَّا أَحْلَى

في وسط النار كُور باردة
بتقطع ملاحنا على سيوفها
وقد النسمة جوّه البرد
نبات حاسيين بنار خوفنا
على طُروفنا
وفوق الزحمة بنخطي
وبنوطي ان عِلّت موجة
عشان نوصل
ونرمي جوّه أحضانها
سنين الهمّ

في صحة وهمك الفايض
في صحة حلمك التقلان
على عمرك
في صحتهم

وطعم الحلم ليه باكي على شرفه
وليه طرفه..

ياناس مقطوع
وليه الفرحة
مش واصل صدى صوتها
لسكتنا
وسكتها
وليه الحق ماله رجوع
ولا جئة
وليه الأرض غرقانة ...
في دم النيل ؟
وانا تايه في حضن الليل
وحبة ناس .. مداين شوك
تفاصيلها
بترفض حتى توصفها
وتحكىها
وحبة ورد ..
بيدور على المطرة
وبيفصل عبيره شطوط
عشان يوصل

يلاقي البرد بيحاصره
في وسط النار
وادي العيشة في ركن الدار
وادي العاشين

نهار كحلي
ومتنغمش بلون البرد
مالك يني وصلت لفين
تعالى اشرب
عشان تقدر
وتكسر..
شوكة التخاريف
دي مغروزة
في قلب التوهة يا صاحي
تعالى اشرب
في صحّة روحنا برّانا
أنا وانت

في صحتها
خلاص أنا جيت
وفرعون جي
يهذا الليل ويبي الضي
ويسأل ع اللي دابنا ...
ويدبح قدرته علني
يعلقها على "خوفو"
يدخلنا في أرواحنا ...
نغني غنوة للماضي
خيوط الظلم يا ولدي خلاص دابت
خلاص دابت خيوط الظلم
تعالى الضم خيوط الحلم ..
بالفوقه
عشان تغطى يا ولدي
"وبالبلدي"
تكون سندي
عشان نرسي على المرسى

أنا مصبح وهتمسى... على شعرك؟!
في صحتها "نفرتني"
"وحتشبسوت" كمان مرة
في صحة عيشتك المرة
يا صاحبي بجد انا زيك
لكن لما..
لقيت المر
جيب التوهة في إزارة
فقلت أفتحها واتصرف
رميت المر
تحت الخطوة
دُست عليه
ماليش انا فيه..
مالوش عندي كمان عازة
تعالى اشرب
كاسين توهة..
وما تبكي
وزيح وانسى...

وسط العيون المزعجة ...
في عيون كثير مش شايفة غير الإنكسار
وعيون بتعزف ع المات
لحن الحياة
واللحن الاخضر ع الوتر
صاُبه السواد
وذموع حكايته بقت قدر
عطشانه عينه لُسْرَ لِسَه ميعرفوش
على كل طلة فجر ينصب دمعته
يتحامى فيها من سياط الشمس لَمَا
تنوي شرّ
ينده على كل البشر
ويبصر بصّة حيرة لَمَا ميلاقيش
وشّ اللي بيدور عليه ... بين الوشوش

مارد

بلعة الريق اللي خايقة من مفيش
نازلة في جوفك ترتعش
تشكي لحالك عجزها
شايفاك على أرض الخلا المليون بشر
والرملة حارقة طريقها فيك
واحدك خطاويك اللي زايغة
تحت منك
جوّه صوت
قاصد يجيلك إنت بس
ينغز في حيرتك يأسها...
يمكن تحس
قالوا زمان أهل المثل
"مرّر لسانك فوق مرار الصبر يسقيك العسل"
بسّ انت عندك مشكلة ...

تعرف منين المرّ بس من العسل
كُتر المزار غمّي اللسان لما اتعمى
وبرغم علو الصوت في قلب المهزلة
تهرس بشوقك نبرته
وتدوب في دوامة تراب
أصفر غريب
أيامها برد ف عزّ صيف
وهناك بتلقى فانوس عجيب
هوا الفانوس اللي انت شفته في المنام
يرجعلك الصوت اللي كان من كام سنة
فكّر شوية ...
قبل ما تحبّط على حُطانه الورق
قبل ما يخيب القرار
تقلق منام المرتاحين
تقتل بغلّ القوة فيك يوم فرحتك
لكن انت طول عمرك عنيد
عندك غبي
يخرجلك المارد هوا ...

وبينحي
"شبيك انا تحت الإشارة والطلب"
و جوة منه زي موجة
زمامها فالت من براح البحر ...
ناشزع الموم
أرواح وخارجة تنتقم ...
م اللي ظلم
ودموع لطفلة اتيمت
وأبوها عايش جمبها
غليانه قلب الأم لما ضاها راح من حضنها
وتشوف في عينه كل ده
فتخاف أوي
ينزل عليك سهم البكا
ترجع لزمن النههة
تصعب على المارد أوام
وينيرة هادية يحنلك
ما تعيشش دور المسكنة
إركع هنا

غَمَضْ عَيْنِكَ
الْحُكْمَ بِالْإِعْدَامِ عَلَيْكَ
أُرِيحْ كَثِيرٌ ..
مِنْ عَيْشَةِ أَغْيَى مَنَّا

مش مصدق!!
كام حكاية مجناني!!
برضو همك لسه قادر...
يخنق السطر الفوقاني؟!
يكتب القصة اليتيمة..
بشكل ثاني؟!
والنهاية..
هيا برضو..
نفس سطره الأولاني!!

مَلَكُوت ... أَزْرَق

لِسَمِّ مَوْتِكَ
نَيْمِ الصَّوْتِ الَّلِيِّ وَاجْعِ
الَّلِيِّ فَاتِ دِه ..
مَش هِيرَجَمِ
وَالَّلِيِّ مَدْفُونِ جَمْبِ مَتَّكَ
مَش هِيَطْلَعِ
سَكَّتِ الْحَلَمِ الَّلِيِّ سَامِعَكَ
بَيْنِ قَلْوَعَكَ
وَأَنْتَ نَوْحَكَ
جُوهَ "حَوَّتْكَ"
صَوْتُهُ عَالِي
لَسَهْ يِيْمَثَلِ عَلَيْكَ دَوْرُهُ الْمَثَالِي
لَسَهْ يِيْمَثَلِ لَكَ أَنْتَ
أَنْتَ بَسْ
لَسَهْ رَاسِمِ كَسْرَةٍ مَائِلَةٍ تَحْتَ دَمْعَةٍ مَش بَتَاعَتُهُ

والحقيقة ...

داعي ربه بُوشوشات خايفة لستسمع

نفسه يخرج

نفسه يلمس حنة منك

حنة الضي اللي باقية فيك بتلمع

كل همّه..

يقرا جرحك

يقتلك ويلف تاني يُعوز يصالحك

وانت فاهم كل حاجة

بس راضي تكون عبيط

لسه بتحاول تصدق..

أي حنة من ملامحه

كهن صوته..

لحظة الضعف اللي شربت من حياتك

تؤمر الحرية تسلخ جلد سَهْتَتَه المصدف

بَصَّة النصر ف عيونه...

تطوف تسقف

وانت لساك مش "مِسْقَف"

سطح مركبتك...ورق
يدخلك من حته كاشفة وفاضحة ضعفك...
تتخفق!!

يدفك جيب حكاياتك/
اللي حارقها الملوحة
والعجبية...
لانش عم "عليوة" دارى غ الجريمة
دارى ليه!!؟
لسه عينه ف ضحككتيك!!؟
....اللي ماتوا!
واللي حلفوا ماكانوا عاشوا!!

اللي يفرس....!!
انك انت وبعده نبضك ما اتقتل
ناده آلامك
لسه تمثال "المعدّد"
سايبه عايش...
في الهزامك /

جوه موتك
"والباساريا" فوق سكوتك
جارحة حُرمة جتتك
وانتَ "نوحك" صوته عالي
إيه يفيدك؟!

إيه يفيدك مِ النواح
لما اليراح
بأيه اتقفل؟!
.....

اتخفق صوت الورق
واندفن تحت الحكاية
واتولد إحساس (ندم)
لسه خارج م المراية
وانستر . .
وسط الألم!..

100

100

100

100

100

100

100

100

("السَّاعَة صِفْرٌ")

يعني فاضل قد إيه؟!
رُبْع نبض؟
ولا سحرة فُ قلب فرض؟
ولآ فات
وقت الصلاة؟
احتباس الروح مَلا
آخر النفس
والنهاية قرّبت..
من غلبها
والحقيقة
لو قضت طول حَظّها
تنده على..
نقطة رضا..
مش جيّ ردّ نيل ريقها
مِن السؤال..
والصبر حال..
وازاى يكون..

من ضلّ صوت!
وازاي نموت..
فوق عُمرنا
ساعتين كمان...؟!
وازاي نلخبط حِسّنا فوق "الهوا"
يتزل مطر!
والجري من باب الصوّر
تحت الشتا
شيء مستحيل!
و الساعة (صفر)
الساعة صفر...
ومش هنلقى حدّ واقف
ع السما
بيعيّ فجر!!..
يقولنا..
هوّا فاضل قد إيه...?!

وبيكبر آدان الفجر
فنتشاهد على خوفنا
وندفن جرح كان حالف يشحتفنا على روحنا
بقالنا سنين بنتدارى ورا نقحُه
ونقتل دمة محبوسة فُ عيون الورد....كان ساكت ومستحمل
نزيع القهر كان ملفوف على غُصنه
وبيحمل
وبنباركله يوم فرحُه
ونضحك ضحكة تقطفنا
من الماضي
ونبقى الحاضر الراضي برجوع الحلم
يسكت عجزه في وشوشنا
ويطرح غنوته الدافية
بصوته الصافي فوق صفحة ملامحنا

الفهرس

ألبوم حياة.....	١١
مش بحبك	١٩
الواد ابن الـ فنجان.....	٢٣
سكة عاجز.....	٣١
قبل أول صوت بُكا.....	٣٧
بتحس ساعات.....	٤١
حلم جديد.....	٤٣
بروفا.....	٥١
حلم عزيزة.....	٥٣
في لحظة صدق.....	٥٧